

Andern / wann man schon das Gold mit dem Aq.
 Reg. solviert hat / so ist es schwerlich vnd mühsamb /
 wieder darauß / oder davon zu scheiden ; Etliche /
 welche damit sind vmbgangen / haben das Gold
 auß dem Aq. Reg. mit Lixivio Salis Tartari præ-
 cipitirt, abgefüßt vnd mit Borras geschmolzen :
 Weiln aber ein solcher Goldkalck / der durch einen
 Niederschlag des Salis Tartari gemachet / sich in
 der Hitze erkündet / vnd schlägt als ein groß Be-
 schüß / deme vor zu kommen / haben sie solchen Gold-
 kalck zuvoren mit gemeinem Schwefel vermischer
 vnd außgeglüet / dardurch ihme seine schlagende
 Krafft ist benommen worden / vnd dan erst mit
 Borras geschmolzen / welche Arbeit dann sehr viel
 Zeit / Mühe / Kosten vnd Fleiß erfordert / so man
 anders wol damit soll vmbgehen vnd nichts vom
 Gold verlihren will ; so fleißig aber / als man da-
 mit vmbgeheth / so kan es gleichwol nicht alles wieder
 gefunden werden / sondern allzeit etwas vom Golde
 verlohren gehet / derohalben kein guter Modus. An-
 dere aber haben das Aqua Regis durch die Distilla-
 tion wiederumb von dem Golde gezogen / aber neben
 der grossen Mühe vnd Gestanck des Aqua Reg.
 auch Gefahr wegen brechung des Glases / haben sie
 noch befunden / daß ihr Aq. Reg. viel Gold mit sich
 geführet vnd geraubet hat / derohalben auch nicht
 gut ; Etliche haben das solvierte Gold in dem Aq.
 Reg. mit Solutione Vitrioli vnd Aluminis nieder-
 geschlagen in ein schwarz Pulver / vnd solches her-
 nach zusammen geschmolzen / haben aber befunden /
 D daß